

# আবু হেনার প্রতি

হাসান

২৫-১১-২০০৫

প্রথম আলোকে দেওয়া আবু হেনার বিশেষ সাক্ষাৎকার। পড়ার জন্য দেখুন-

<http://bidrohi.net.tf>

গত ২৩ নভেম্বর বুধবার সাংসদ আবু হেনা দৈনিক প্রথম আলোতে একটি সাক্ষাৎকার দেন। সাক্ষাৎকারটির শিরোনাম ছিল “জামায়াত জোট সরকারকে গ্রাস করেছে”। সাক্ষাৎকারটি আমি প্রথমে দেখছি এবং পড়ব পড়ব করে পড়া হয়ে ওঠে। নিগতকাল রাতে আমাদের প্রাইভেট টিভি চ্যানেলগুলোর (মাটি ও মানুষের কথা বলা বিটিভি-র সংবাদে আমার অনাস্থা আছে) সংবাদ প্রচারের পর জানতে পেরেছি যেই লোকটার সাক্ষাৎকার আমার পড়ার কথা ছিল, তার রাজনৈতিক অবস্থার পরিবর্তন হয়ে গিয়েছে। আমি খুব আগ্রহ নিয়ে পুরনো পত্রিকার স্তুপ ঘেটে ২৩ তারিখের পত্রিকাটা বের করলাম এবং তার সাক্ষাৎকারটি পড়লাম।

আবু হেনার সাক্ষাৎকারটির পুরোটা কারো পড়ার দরকার নেই। তার কিছু কিছু কথা পুরো সাক্ষাৎকারটির সারমর্ম। তার সাক্ষাৎকারটির প্রথম অংশে তিনি বলেছেন জামায়াতে ইসলামি জঙ্গী তৎপরতার সাথে জড়িত। এই বক্তব্যের সত্যতা কতটুকু বা তার সাম্প্রতিক অবস্থান রাজনৈতিক খেলার কোন অংশ কিনা সেই বক্তব্যে যাওয়ার আগে আমি কিছু সাধাসিদা কথা এখানে বলতে চাই।



সাংবাদিকদের সঙ্গে আলাপকালে আবু হেনা

জামায়াতে ইসলামি দলটির একটি অতীত ইতিহাস আছে। সেই ইতিহাসের পুরোটা-ই আমার কাছে ঘৃণার, লজ্জার ও নাফরমানির ইতিহাস। এই দলটি ইসলামি দল বা ইসলামের ভালো ভালো কথাগুলো এই দলের নেতৃবৃন্দ খুব সুন্দর করে বলে থাকেন যা আমাদের দেশের ধর্মপ্রাণ মানুষের বশে আনার জন্য যথেষ্ট। তাদের এই ঘৃণা, নোংরা ইতিহাস তারাও খুব ভাল মতো জানে। আমার ব্যক্তিগত ধারণা ১৬ ই ডিসেম্বর দিনটিতে তারা নিজেরা খুব অস্বস্তিতে থাকেন। সৃষ্টিকর্তার নামে, ধর্মের কথা বলে হয়তো মানুষ বশ করা যায়, কিন্তু বিবেকের কাঠগড়ায় তাদের কোন ক্ষমা নেই।

জামায়াতে ইসলামি দলটির একটি আদর্শ আছে। সেটা রাজনৈতিক বা ধর্মীয় যেটাই হোক না কেন। যেই আদর্শ তারা ১৯৭১ সাল থেকে লালন করে আসছে তাদের সেই আদর্শ

থেকে তারা একচুল-ও পিছপা হয়নি।তাদের কৃতকর্মের জন্য আজ পর্যন্ত তারা জাতির সামনে উদ্যোগী হয়ে একটি সংবাদ সন্মেলন করে ক্ষমা পর্যন্ত চায়নি।তাহলে আমি কি ধরে নেব এখন পর্যন্ত তারা তাদের আগের আদর্শকে এখনো লালন করে চলেছে?পালে হাওয়া লাগলে নৌকার মাঝি না থাকলেও,নৌকা চলতে শুরু করে- কোনো ভাবে কি তাদের পালে-ও হাওয়া লেগেছে?

জামায়াত কে রাজনৈতিক ভাবে প্রতিষ্ঠার সুযোগ দিয়ে এই দেশের ২টি প্রধান রাজনৈতিক দল সমান দোষে দুষ্ট। সেই দোষ শুধরানোর সময় এখনো আছে-জামায়াতকে পুরোপুরি ভাবে এই দেশ থেকে নিষিদ্ধ করার মাধ্যমে।

আবু হেনা সত্যিকার অর্থে সমস্ত স্বার্থের উর্দে থেকে যদি সত্যি কথাটি বলে থাকেন তাহলে তাকে আমার অভিনন্দন ও কৃতজ্ঞতা।

[massnoon.hasan@gmail.com](mailto:massnoon.hasan@gmail.com)  
<http://bidrohi.net.tf>